

Script of Evening Gojri News Bulletin 04 December 2024 at 1700 Hrs

ایوننگ گو جری نیوز بلیٹن مور 04 دسمبر 2024

یوہ آکا شوانی جموں ہے عبید الرحمان تے عبدالرحمان تیں خبر سُنو۔ پہلاں خاص خاص خبر۔

- *1. گو پا بندھو آیو رویدہ مہا ویدیالیہ مانہ صدر جمہوریہ درویدی مُرمو نے کہیو ہے کہ آیو رویدہ غا میدان مانہ مزید تحقیق ہونی چاہیے۔
- *2. سرکار نے غریب لوکاں واسطے 2 کروڑ 95 لکھ گھراں غی تعمیر نانہ منظوری دتی ہے۔ مرکزی وزیر شیوراج سنگھ چوہان نے کہیو ہے کہ مزید 2 کروڑ گھراں غی تعمیر واسطے اگلا 5 بہراں غے اندر منظوری دتی جائے گی۔
- *3. ضلع پونچھ غا سرنگوٹ علاقہ مانہ فوجی چوکی ور ہوا گرنیڈ حملہ تیں بعد علاقہ غے نادر بڑا پیمانہ ور تلاشی کا روانی شروع کی گئی ہے۔
- *4. تے انڈیا 19 ایشیا کپ کرکٹ مقابلان مانہ بھارت نے متحدہ عرب امارات غی ٹیم نانہ 10 وکٹاں نال ہرا دتو ہے۔

خبراں غی تفصیل نال پہلاں عبدالرحمان۔

Prez Murmu Ayurveda

صدر جمہوریہ محترمہ درویدی مُرمو نے آیو روید مانہ مزید تحقیق غی ضرورت ور زور دتو ہے۔ کیونجے یوہ لوکاں غی زندگیاں غو اک لازمی حصو رہیو ہے۔ انہاں نے کہیو ہے آیور ویدک علاج غے ذریعے کئی پُرانی بیماریاں غو اعلاج ممکن ہے۔ اور مہارہ مُلک مانہ لوکاں غی اک بڑی تعداد اجوں وی اس نظام طب ور یقین رکھے۔ اج سویرے پوری اُٹیشہ مانہ گو پا بندھو آیو رویدہ مہا ویدیالیہ غا 75 واں یوم تاسیس غا موقعہ ور خطاب کرتاں واں صدر جمہوریہ نے کہیو ہے کہ مرکزی حکومت غی آیوش وزارت آیور وید اور یوگا نانہ مُلک مانہ مقبول بنان واسطے بھرپور کوشش کر رہی ہے۔ تانجے لوکاں نانہ بیماریاں تیں آزاد اور صحت مند رکھیو جا سکے۔

PM Navy

وزیر اعظم نریندرمودی نے بحریہ غا دین غا موقعہ ور بھارتی بحریہ غا عملہ نانہ اپنی مبارکباد پیش کی ہے۔ اک سماجی ذرائع ابلاغ پوسٹ مانہ جناب مودی نے لکھیو ہے کہ بحریہ غو بہادر عملو ہے مثال ہمت اور لگن سنگ مُلک غا سمندراں غی حفاظت کرے۔ انہاں نے مزید کہیو ہے کہ اُن گو عزم مُلک و قوم غی سلامتی، تحفظ اور خوشحالی نانہ یقینی بنائو ہے۔ وزیر اعظم مودی نے مزید کہیو ہے کہ بھارتیہ بحریہ غی بھرپور بحری تاریخ ور بھارتی لوکاں نانہ بڑو فخر ہے۔

Houses

دیہی ترقی غا مرکزی وزیر شیوراج سنگھ چوہان نے کہیو ہے کہ ہر غریب انسان نانہ پکو مکان مہیا کروان غی کوششاں غے تحت حکومت نے 2 کروڑ 95 لکھ مکان بنان بارے منظوری دتی ہے۔ اج نوی دہلی مانہ اک پریس کانفرنس سنگ خطاب کرتاں واں انہاں

نے کہیو جے اگلا 5 بہراں غے دوران 2 کروڑ مزید مکان تعمیر کیا جائیں گا۔ انہاں نے مزید کہیو جے پی ایم آواس یوجنا دیہی غے تحت 38 لکھ مکانات غی تعمیر بارے 10 ہزار 6 سو کروڑ روپیاں تیں متا فنڈز واگذار کیا جا چکا ہیں۔ انہاں نے کہیو جے ”پی ایم جن من“ سکیم غے تحت 46 ہزار تیں متا مکان سال 25/2024 واسطے تعمیر غی خاطر مختص رکھیا ہیں تے یہ خاص کر قبائلی کُنباں واسطے ہیں۔

LS Rail Accident

مُلک غے اندر پچھلا 10 بہراں غے دوران ریل حادثات مانہہ کافی کمی دیکھن مانہہ آئی ہے۔ سال 15/2014 مانہہ پٹری تیں ریل ٹباں غا اُترن سمیت بکھ بکھ ٹرین حادثات غی تعداد 135 تھی۔ جد کہ ایسا حادثات غی تعداد سال 24/2023 مانہہ کھٹ غے 40 رہ گئی ہے۔ اس بارے اج لوک سبھا مانہہ اک تحریری جواب مانہہ ریلویز گا وزیر اشنوی ویشنو نے دسیو ہے۔ وزیر موصوف نے دسیو ہے جے اپریل تیں نومبر مہینہ تک اس سال 29 ریل گڈی حادثات غی رپورٹ ہے۔ انہاں نے کہیو جے تحفظ بھارتیہ ریلویز غی اعلیٰ ترجیحات مانہہ شامل ہے۔ تے ریل گڈیاں مانہہ تحفظ نانہہ مزید بدھان بارے کئی اک اقدامات چایا گیا ہیں۔ انہاں نے دسیو جے 1 ہزار 5 سو 48 روٹ کلو میٹرس ور پہلاں ہی گوج نظام لادتو گیو ہے۔

NGO's

صحت، طبی، تعلیم تے سماجی فلاح وی بہبود غی وزیر سکینہ ایتو نے اج اس گل ور زور پایو ہے کہ سرکار غی مالی معاونت ور چلن آلی غیر سرکاری تنظیمیں یعنی این جی اوز ور نظر رکھن غی ضرورت ہے تا نجے سماج غا پچھڑیا طبقہ غی ضرورتاں نانہہ پورو کیو جاسکے۔ جموں خطہ غے اندر سرکاری معاونت ور چلن آلی این جی اوز سرکاری معاونت ور چلن آلی این جی اوز بارے جائزہ میٹنگ غے دوران وزیر موصوف نے ان تنظیمیں نانہہ مزید شفاف، جواب دہ تے صلاحیت ساز بنان ور زور پایو۔ موصوف نے کہیو کہ ان غیر سرکاری مالی معاونت نال بچاں تے دیگر پچھڑیا افراد غی مدد ہونی چاہیے۔ اور خاص طور ر ور تعلیم، طبی نظام تے فلاحی ضرورتاں ور یوہ پیسو خرچ ہونو چاہیے۔

RNU Jammu Raising Day

آکا شوانی جموں غا خبراں آلا علاقائی یونٹ غی طرفوں 6 دسمبر 2024 نانہہ اپنو 54 ووں یوم قیام منایو جا رہیو ہے۔ یوم قیام غا اس موقعہ ور علاقائی نیوز یونٹ یعنی آر این یو غی طرفوں سویرے ساڈھا 9 بجے 30 منٹ غو اک خصوصی پروگرام نشر کیو جا ئے گو۔ جس مانہہ آر این یو غا سابقہ افسراں تے خبر پڑھن آلاں غی گل بات تے انٹرویو نانہہ وی شامل کیو جائے گو۔ اس غے علاوہ 15 منٹاں ور مبنی اک بور خصوصی پروگرام شام 7 بجے نشر کیو جائے گو۔ جس مانہہ خبراں آلا یونٹ غا مجموعی طور کم کاج غا طریقہ بارے دسن غے نال نال جموں خطہ غی نامور معزز شخصیات غی طرفوں آر این یو غا یوم قیام ور مبارکبادی تے نیک خواہشات غا پیغامات نانہہ وی شامل کیو جا ئے گو۔ اس یادگار تہاڑہ غی تقریبات غا سلسلہ مانہہ آر این یو غی طرفوں بہترین خدمات سرانجام دین بارے اپنا عملہ غی وی عزت افزائی کی جائے گی۔ تانجے اُن گا مستقبل بارے پیشہ وارانہ ہنر تے جذبہ نانہہ تقویت مل سکے۔ گوجری زبان غا سابقہ خبر پڑھن آلا، انونسر تے کمپوزر منشی خان چودھری جنہاں نے آکاشوانی جموں مانہہ

40 بہراں تیں زیادہ غی خدمت انجام دتیں وی ہیں۔ اُنہاں نے خبراں آلا علاقائی یونٹ نانہہ اس غا **54** واں یوم قیام غا موقعہ و ر مبارکباد پیش کی ہے۔ تے اپنی نیک خواہشات غو اظہار کیو ہے۔ اس بارے بولتاں واں اُنہاں نے کُجھ اس طرح کہیو۔ بانٹ۔ اپنا یوم قیام غا موقعہ و ر این یو غی طرفوں اپنا عملہ غی بکھ بکھ زُمران مانہہ عزت افزائی کی جائے گی۔ جس طرح کہ بہترین نیوز ایڈیٹر، ڈوگری زبان مانہہ بہترین خبر پڑھن آلا و ترجمو کرن آلا، گوجری زبان مانہہ بہترین خبر پڑھن آلا و ترجمو کرن آلا، بہترین ضلع نامہ نگار تے عام زُمرہ غو عملو شامل ہے۔ اس غے علاوہ پارلیمانی انتخابات **2024** تے جموں کشمیر اسمبلی غا عام انتخابات **2024** غے دوران خصوصی فرائض سرانجام دین بارے تعینات عملہ غی خدمات نانہہ وی یوم قیام غی تقریبات غے دوران سراہیو جائے گو۔ تے اُن غی عزت افزائی بارے اُنہاں نانہہ قابلیت سرٹیفکیٹ وی جانیں گاسابقہ پروفیسر، ڈوگری سنستھا غا صدر تے مہارا سامعین وچوں اک پروفیسر لنت منگوترہ نے وی آر این یو غا **54** واں یوم قیام غا موقعہ و ر خبراں آلا علاقائی یونٹ نانہہ مبارکباد پیش کی ہے۔ تے اس بارے اپنی نیک خواہشات گو اظہار کیو ہے۔ اُنہاں نے اپنا تاثرات کُجھ اس طرح دتا۔۔۔ بانٹ۔

یہ خبر تم آکاشوانی جموں تیں سُن رہیا ہیں خیراں غا باقی حصّہ نال عبید الرحمان۔

جموں کشمیر غا ضلع پونچھ ماہہ دہشت گردان نے فوج غی اک چوکی ور اج سویرے 2 گرنیٹ پھینکیا۔ آکاشوانی جموں گا نمائندہ نے خبر دتی ہے کہ دہشت گردان نے ضلع پونچھ غا سرنکوٹ علاقہ ماہہ فوجی کیمپ غے نزدیک قائم کی گئی اک چوکی ور 2 گرنیٹ پھینکیا، جن وچوں 1 گرنیٹ فٹ گیو۔ جد کہ دوجا گرنیٹ نانہہ ما براں غی ٹیم نے تلاشی کا روائی غے دوران ناکارہ بنا دتو۔ اس حملہ ماہہ کسے وی جانی نقصان غی کوئی اطلاع نہیں ہے۔ فوج نے پولیس نے حملہ تیں بعد سانجہ طور ور تلاشی کا روائی شروع شروع کی ہے اور دہشت گردان غی تلاش جا ری ہے۔ اس سلسلہ ماہہ مزید تفصیلات غی اجیں اڑیک ہے۔

Jail Srinagar

University

HADP Samba

ضلع سانہہ مانہہ محکمہ ذراعت غی طرفوں مجموعی ذراعت ترقی پروگرام ور اک بیداری تقریب منعقد کرائی گئی۔ یاہ تقریب ہلاک پرمنڈل غا مدانا کھڑا پنچایت گھر مانہہ منعقد ہوئی۔ ضلع سانہہ تیں مہارا آکاشوانی غا نمائندہ نے خبر دتی ہے کہ اس پروگرام غے دوران کساناں نانہہ محکمہ غی بکھ بکھ فلاحی اسکیمیں تیں فاندو چان غی نصیحت کی گئی۔ اس موقعہ ور بولتاں واں ایڈیشنل ضلع ترقیا تی کمشنر سانہہ کیمپا دیوی نے کسان سارتھی پورٹل ور امیدواراں غا درخواست جمع کران ور زور پایو۔ اس موقعہ ور آکاشوانی نال گل با ت کرتاں واں موصوفہ نے اس طرح کہیو۔۔بائٹ۔۔

Khatana

راجیہ سبھا مانہہ ممبر پارلیمنٹ تے بی جے پی غا سینئر لیڈر غلام علی کھٹانہ نے سابقہ ممبر قانون ساز اسمبلی چودھری پیارے سنگھ غے 2 دسمبر نانہہ ہوئی وفات ور ڈنگا دکھ غو اظہار کیو ہے۔ سابقہ لیڈر نانہہ خراج عقیدت پیش کرتاں واں جناب کھٹانہ نے مرحوم لیڈر غی سماج غے اندر اُن غی خدمات نانہہ ہمیشہ یاد رکھیو جائے گو۔ جناب کھٹانہ نے کہیو کہ مرحوم نے سماج غا فلاح وبہبود خاطر مذہب و ملت تیں اوپر اُٹھ غے عوام غی خدمت کی۔

U-19 Asia Cup

انڈر 19 ایشیا کپ کرکٹ مقابلان مانہہ اج بھارت نے میزبان ٹیم متحدہ عرب امارات نانہہ براغے کامیابی حاصل کی ہے۔ گروپ اے غا اک روزہ بین القوامی کرکٹ مقابلان مانہہ بھارت تے متحدہ عرب امارات غی ٹیم بشکار یوہ کرکٹ مقابلو شارچہ کرکٹ میدان مانہہ منعقد ہوؤ۔ جس مانہہ بھارتیہ ٹیم نے یو اے ای غی ٹیم غی طرفوں دتا گیا 138 دوڑاں غا ہدف نانہہ 16 عشاریہ 1 اوور مانہہ ہی حاصل کر لیو۔ اس کرکٹ مقابلہ مانہہ بھارتیہ ٹیم غا کھلاڑی ویبھو سُرپا ونشی نے 46 گینداں ور 76 دوڑ بنائی جد کہ آیوش مہاترے نے 51 گینداں مانہہ 67 دوڑ بنا غے ٹیم نانہہ شاندار جیت دلانی۔

اس غے نال ہی خبراں غو یوہ بلیٹن ختم ہوؤ۔